



საქართველოს პარლამენტის თავმჯდომარე

თბილისი 0118, რუსთაველის გამზირი № 8, საქართველოს პარლამენტის სასახლე

ბ რ ძ ა ნ ე ბ ა

1/316/23

22-11-2023

„საქართველოს პარლამენტში მასობრივი ინფორმაციის საშუალებათა წარმომადგენლების აკრედიტაციის წესის დამტკიცების თაობაზე“ საქართველოს პარლამენტის თავმჯდომარის 2023 წლის 6 თებერვლის №1/31/23 ბრძანებით დამტკიცებულ „საქართველოს პარლამენტში მასობრივი ინფორმაციის საშუალებათა წარმომადგენლების აკრედიტაციის წესში“ ცვლილებების შეტანის თაობაზე

საქართველოს ზოგადი ადმინისტრაციული კოდექსის 63-ე მუხლისა და საქართველოს პარლამენტის რეგლამენტის მე-18 მუხლის მე-2 პუნქტის „კ“ და „ფ“ ქვეპუნქტების შესაბამისად:

1. „საქართველოს პარლამენტში მასობრივი ინფორმაციის საშუალებათა წარმომადგენლების აკრედიტაციის წესის დამტკიცების თაობაზე“ საქართველოს პარლამენტის თავმჯდომარის 2023 წლის 6 თებერვლის №1/31/23 ბრძანების პირველი პუნქტით დამტკიცებული „საქართველოს პარლამენტში მასობრივი ინფორმაციის საშუალებათა წარმომადგენლების აკრედიტაციის წესის“ მე-6 მუხლის პირველი პუნქტის „დ.ა“ და „დ.ბ“ ქვეპუნქტები ჩამოყალიბდეს შემდეგი რედაქციით:

„დ.ა) საზოგადოებრივი ტელემუწეებლისა – არაუმეტეს 10 გადამღები ჯგუფის დასაკომპლექტებლად საჭირო რაოდენობის ჟურნალისტისა;

დ.ბ) საერთო საეთერო ეროვნული ტელემუწეებლისა – არაუმეტეს 10 გადამღები ჯგუფის დასაკომპლექტებლად საჭირო რაოდენობის ჟურნალისტისა;“.

2. ბრძანება ძალაში შედის საჯაროდ გამოცხადების დღიდან.

3. ბრძანება შეიძლება გასაჩივრდეს საჯაროდ გამოცხადების დღიდან 1 თვის ვადაში თბილისის საქალაქო სასამართლოს ადმინისტრაციულ საქმეთა კოლეგიაში (მისამართი: ქალაქი თბილისი, დავით აღმაშენებლის ხეივანი №64).

პარლამენტის თავმჯდომარე
შალვა პაპუაშვილი

**საქართველოს პარლამენტში მასობრივი ინფორმაციის საშუალებათა
წარმომადგენლების აკრედიტაციის წესი**

მუხლი 1. ზოგადი დებულებები

საქართველოს პარლამენტში მასობრივი ინფორმაციის საშუალებათა წარმომადგენლების აკრედიტაციის წესის მიზანია საქართველოს პარლამენტის საქმიანობის გაშუქებისა და საზოგადოების ოპერატიულად ინფორმირების უზრუნველყოფისთვის ხელის შეწყობა, ამ საშუალებების საქმიანობისთვის სათანადო პირობების შექმნა და მათი მხარდაჭერა, აღნიშნულ საშუალებათა წარმომადგენლების აკრედიტაციის წესებისა და პირობების განსაზღვრა და მათ საქმიანობასთან დაკავშირებული სხვა ურთიერთობების მოწესრიგება.

მუხლი 2. აკრედიტაციის სახეები

1. საქართველოს პარლამენტში გაიცემა ორი სახის აკრედიტაცია – საპარლამენტო ჟურნალისტის აკრედიტაცია და სპეციალური აკრედიტაცია.

2. საპარლამენტო ჟურნალისტის აკრედიტაცია გაიცემა საქართველოში რეგისტრირებული მასობრივი ინფორმაციის საშუალების (შემდგომ – მედიასაშუალება) ჟურნალისტზე 1 წლის ვადით, ყოველი კალენდარული წლისთვის და მოქმედებს კალენდარული წლის 1 იანვრიდან 31 დეკემბრის ჩათვლით.

3. სპეციალური აკრედიტაცია გაიცემა იმ ჟურნალისტზე, რომელსაც არ აქვს საპარლამენტო ჟურნალისტის აკრედიტაცია.

4. აკრედიტაციის მიზნებისთვის ჟურნალისტად მიიჩნევა რეპორტიორი, ოპერატორი, ფოტოგრაფი, ტექნიკური მომსახურების გამწევი პერსონალის წევრი, გადამღებ ჯგუფად – ერთი რეპორტიორისა და ერთი ოპერატორისგან, ხოლო საჭიროების შემთხვევაში – აგრეთვე ტექნიკური მომსახურების გამწევი პერსონალის სათანადო რაოდენობის წევრისგან შემდგარი ჯგუფი, რომელიც უშუალოდ საქართველოს პარლამენტის სასახლეში ახორციელებს ჟურნალისტურ საქმიანობას, ხოლო მედიასაშუალებად – საქართველოში იურიდიულ პირად რეგისტრირებული მასობრივი კომუნიკაციის ბეჭდვითი ან ელექტრონული საშუალება.

5. იმ მედიასაშუალების ჟურნალისტზე, რომლის საქმიანობაც არ უკავშირდება საქართველოს პარლამენტის საქმიანობის გაშუქებას, საპარლამენტო ჟურნალისტის აკრედიტაცია არ გაიცემა.

6. საქართველოს პარლამენტის სასახლეში ჟურნალისტური საქმიანობა შეიძლება განახორციელოს მხოლოდ ამ წესის საფუძველზე აკრედიტებულმა ჟურნალისტმა.

7. ეს წესი არ გამოიყენება საქართველოს პარლამენტის წევრის მიერ საავტორო გადაცემის ჩაწერის, ბლოგის წარმოების ან კომუნიკაციის სხვა აუდიოვიზუალური ფორმით განხორციელების დროს.

მუხლი 3. საპარლამენტო ჟურნალისტიკის აკრედიტაციის მიღების თაობაზე განაცხადების მიღება

1. საპარლამენტო ჟურნალისტიკის აკრედიტაციას გასცემს საქართველოს პარლამენტის აპარატის (შემდგომ – აპარატი) უფროსი.

2. საპარლამენტო ჟურნალისტიკის აკრედიტაციის მისაღებად მედიასაშუალებამ შეიძლება წარადგინოს მხოლოდ ის ჟურნალისტი, რომელიც ამ მედიასაშუალებაში ანაზღაურებად საქმიანობას ახორციელებს.

3. საპარლამენტო ჟურნალისტიკის აკრედიტაციის გაცემის შესახებ აპარატის განცხადება განთავსდება საქართველოს პარლამენტის ვებგვერდზე არაუგვიანეს სააკრედიტაციო წლის წინა წლის 25 ნოემბრისა.

4. საპარლამენტო ჟურნალისტიკის აკრედიტაციის მიღების თაობაზე განაცხადები მიიღება სააკრედიტაციო წლის წინა წლის 1 დეკემბრიდან 15 დეკემბრის ჩათვლით. თუ განაცხადების მიღების ბოლო დღე ემთხვევა საქართველოს კანონმდებლობით დადგენილ უქმე დღეს, განაცხადების მიღება დასრულდება მომდევნო სამუშაო დღის ბოლოს.

მუხლი 4. საპარლამენტო ჟურნალისტიკის აკრედიტაციის მიღების თაობაზე განაცხადის შინაარსი

1. საპარლამენტო ჟურნალისტიკის აკრედიტაციის მიღების თაობაზე განაცხადი წარედგინება აპარატის უფროსს. განაცხადი უნდა შეიცავდეს შესაბამისი იურიდიული პირის საფირმო სახელწოდებას, იურიდიულ მისამართს, საიდენტიფიკაციო ნომერს, რომლითაც ის რეგისტრირებულია მეწარმეთა და არასამეწარმეო (არაკომერციული) იურიდიული პირების რეესტრში, საკონტაქტო ტელეფონის ნომერს, არსებობის შემთხვევაში – აგრეთვე ელექტრონული ფოსტის მისამართსა და ვებგვერდს.

2. სააკრედიტაციო განაცხადს უნდა ერთოდეს:

ა) საპარლამენტო ჟურნალისტიკის აკრედიტაციის მისაღებად წარდგენილი ჟურნალისტების სია. ეს სია უნდა შეიცავდეს ჟურნალისტიკის სახელსა და გვარს, პირად ნომერს, დაკავებულ თანამდებობას, სამსახურებრივი და მობილური ტელეფონების ნომრებს. განაცხადს წარადგენს მედიასაშუალებების წარმომადგენლობის უფლებამოსილების მქონე პირი;

ბ) ჟურნალისტიკის პირადობის/ბინადრობის მოწმობის ასლი;

გ) ჟურნალისტიკის ფოტოსურათის (ზომა – 3X4) ელექტრონული ვარიანტი;

დ) ბეჭდვითი ორგანოს შემთხვევაში – მის მიერ სააკრედიტაციო განაცხადის წარდგენამდე ბოლო 2 თვის განმავლობაში დაბეჭდილ გამოცემათა ეგზემპლარები;

ე) მაუწყებლის შემთხვევაში – მასზე შესაბამისი ავტორიზაციის/ლიცენზიის გაცემის დამადასტურებელი დოკუმენტის ასლი.

3. აკრედიტაციის მაძიებელი მედიასაშუალება პასუხისმგებელია ამ მუხლის პირველი და მე-2 პუნქტების შესაბამისად წარდგენილი დოკუმენტაციის/ინფორმაციის სისწორისთვის.

4. ამ მუხლის მე-2 პუნქტის „დ“ ქვეპუნქტის მოთხოვნა არ ვრცელდება იმ ბეჭდვით ორგანოზე, რომელიც დაფუძნდა სააკრედიტაციო განაცხადის წარდგენამდე არაუგვიანეს 2 თვისა.

5. თუ წარდგენილი სააკრედიტაციო განაცხადი არ შეესაბამება ამ მუხლის პირველი და მე-2 პუნქტების მოთხოვნებს, აკრედიტაციის მაძიებელს აპარატის მითითებით ეძლევა 3 სამუშაო დღე ხარვეზის გამოსასწორებლად.

მუხლი 5. საპარლამენტო ჟურნალისტიკის აკრედიტაციის შესახებ გადაწყვეტილების მიღება

1. აპარატის უფროსი არაუგვიანეს სააკრედიტაციო წლის წინა წლის 25 დეკემბრისა იღებს გადაწყვეტილებას საპარლამენტო ჟურნალისტიკის აკრედიტაციის გაცემის შესახებ ან მის გაცემაზე უარის თქმის თაობაზე. საპარლამენტო ჟურნალისტიკის აკრედიტაცია გაიცემა მხოლოდ იმ შემთხვევაში, თუ აკრედიტაციის მაძიებელი აკმაყოფილებს აკრედიტაციის მისაღებად ამ წესით დადგენილ ყველა მოთხოვნას.

2. საპარლამენტო ჟურნალისტიკის აკრედიტაციის გაცემაზე უარი შეიძლება ითქვას, თუ აკრედიტებულ მედიასაშუალებას ადრე ვადამდე გაუქმებული ჰქონდა აკრედიტაცია ამ წესის მე-11 მუხლის „გ“ ან „დ“ ქვეპუნქტის შესაბამისად. აპარატი საპარლამენტო ჟურნალისტიკის აკრედიტაციის გაცემაზე უარის თქმის შესახებ აკრედიტაციის მაძიებელს ატყობინებს შესაბამისი გადაწყვეტილების მიღებიდან 3 სამუშაო დღის ვადაში.

3. საპარლამენტო ჟურნალისტიკის აკრედიტაციის გაცემაზე უარი გასაჩივრდება საქართველოს კანონმდებლობით დადგენილი წესით.

მუხლი 6. აკრედიტებული საპარლამენტო ჟურნალისტების რაოდენობა

1. დასაშვებია მედიასაშუალებების სახეობის მიხედვით საპარლამენტო ჟურნალისტად შემდეგი რაოდენობის ჟურნალისტის აკრედიტება:

ა) ბეჭდვითი ორგანოს (გაზეთის, ჟურნალის) შემთხვევაში – არაუმეტეს 2 ჟურნალისტისა;

ბ) რადიომაუწყებლის შემთხვევაში – არაუმეტეს 2 ჟურნალისტისა;

გ) ონლაინგამოცემის შემთხვევაში – არაუმეტეს 4 ჟურნალისტისა;

დ) ტელემაუწყებლის შემთხვევაში:

დ.ა) საზოგადოებრივი ტელემაუწყებლისა – არაუმეტეს 10 გადამღები ჯგუფის დასაკომპლექტებლად საჭირო რაოდენობის ჟურნალისტისა; (ბრძ. №1/316/23, 22.11.2023)

დ.ბ) საერთო საეთერო ეროვნული ტელემაუწყებლისა – არაუმეტეს 10 გადამღები ჯგუფის დასაკომპლექტებლად საჭირო რაოდენობის ჟურნალისტისა; (ბრძ. №1/316/23 22.11.2023)

დ.გ) სხვა ტელემაუწყებლისა – არაუმეტეს 3 გადამღები ჯგუფის დასაკომპლექტებლად საჭირო რაოდენობის ჟურნალისტისა.

2. მედიასაშუალება უფლებამოსილია სააკრედიტაციო წლის განმავლობაში შეცვალოს საპარლამენტო ჟურნალისტების სია. აღნიშნული სიის ცვლილების თაობაზე განცხადებას უნდა ერთოდეს ამ წესის მე-4 მუხლის მე-2 პუნქტის „ა“-„გ“ ქვეპუნქტებით გათვალისწინებული ინფორმაცია ახალი ჟურნალისტის შესახებ. საპარლამენტო ჟურნალისტების სიის ცვლილების თაობაზე განცხადებას აპარატი 5 სამუშაო დღის ვადაში განიხილავს.

მუხლი 7. სააკრედიტაციო მოწმობა

1. საპარლამენტო ჟურნალისტზე გაიცემა სააკრედიტაციო მოწმობა. სააკრედიტაციო მოწმობა მას პირადად ჰბარდება, რასაც ჟურნალისტი სპეციალურ ჟურნალში ხელის მოწერით ადასტურებს.

2. სააკრედიტაციო მოწმობის დაკარგვის შემთხვევაში საპარლამენტო ჟურნალისტი ვალდებულია დაუყოვნებლივ აცნობოს აპარატს ამის თაობაზე. აპარატი დაკარგული

სააკრედიტაციო მოწმობის აღდგენის შესახებ განცხადებას მისი მიღებიდან 5 სამუშაო დღის ვადაში განიხილავს და გასცემს ახალ სააკრედიტაციო მოწმობას.

3. საპარლამენტო ჟურნალისტი აკრედიტაციის მისაღებად მის წარმდგენ მედიასაშუალებაში საქმიანობის შეწყვეტის შემთხვევაში ვალდებულია დაუყოვნებლივ დააბრუნოს სააკრედიტაციო მოწმობა.

4. მედიასაშუალება ვალდებულია დაუყოვნებლივ აცნობოს აპარატს საპარლამენტო ჟურნალისტის მიერ ამ მედიასაშუალებაში საქმიანობის შეწყვეტის (თანამდებობის დატოვების) თაობაზე.

მუხლი 8. სააკრედიტაციო მოწმობის ჩამორთმევა

1. სახელმწიფო დაცვის სპეციალური სამსახურის ადმინისტრაციული შენობებისა და სამთავრობო რეზიდენციების დაცვის სამმართველოს საქართველოს პარლამენტის სასახლის დაცვის განყოფილების თანამშრომელს (შემდგომ – დაცვის თანამშრომელი) უფლება აქვს, საპარლამენტო ჟურნალისტს ჩამოართვას სააკრედიტაციო მოწმობა, თუ:

ა) ის დაზიანებულია ან შეუძლებელია მასზე პირის სურათის დათვალიერება ან მისი სახელის, გვარის, აკრედიტაციის ვადის ან სხვა ინფორმაციის ამოკითხვა, რომელიც პირის ვინაობას ან მოწმობის ვარგისობას ადასტურებს;

ბ) აკრედიტაციის ვადა გავიდა;

გ) აკრედიტაცია გაუქმდა.

2. ამ მუხლის პირველი პუნქტის „ა“ ქვეპუნქტით გათვალისწინებულ შემთხვევაში აპარატი დაუყოვნებლივ აცნობებს მედიასაშუალებას ჟურნალისტისთვის სააკრედიტაციო მოწმობის ჩამორთმევის თაობაზე.

მუხლი 9. ახალდაფუძნებულ მედიასაშუალებაზე საპარლამენტო ჟურნალისტის აკრედიტაციის გაცემის წესი

1. მედიასაშუალება, რომელმაც ფუნქციონირება ამ წესის მე-3 მუხლის მე-3 პუნქტით გათვალისწინებული თარიღის შემდეგ დაიწყო, უფლებამოსილია საპარლამენტო ჟურნალისტის აკრედიტაციის მისაღებად აპარატს მიმართოს ნებისმიერ დროს, მაგრამ არაუგვიანეს სააკრედიტაციო წლის 1 ნოემბრისა.

2. მედიასაშუალება სააკრედიტაციო განაცხადს წარადგენს ამ წესის მე-3 მუხლის პირველი და მე-2 პუნქტებითა და მე-4 მუხლით დადგენილი წესით.

3. ამ მუხლის პირველი პუნქტით გათვალისწინებულ შემთხვევაში აპარატი სააკრედიტაციო განაცხადს მიღებიდან 10 სამუშაო დღის ვადაში განიხილავს და იღებს შესაბამის გადაწყვეტილებას.

4. ამ მუხლით დადგენილი წესით საპარლამენტო ჟურნალისტის აკრედიტაცია გაიცემა სააკრედიტაციო წლის დარჩენილი ვადით.

მუხლი 10. სპეციალური აკრედიტაციის გაცემის წესი

1. იმ ჟურნალისტს, რომელსაც არ აქვს საპარლამენტო ჟურნალისტის აკრედიტაცია, აპარატის საზოგადოებასთან ურთიერთობისა და ინფორმაციის დეპარტამენტის გადაწყვეტილებით შეიძლება მიეცეს ერთჯერადი სპეციალური აკრედიტაცია საქართველოს პარლამენტის სასახლეში ჟურნალისტური საქმიანობის განსახორციელებლად.

2. სპეციალური აკრედიტაციის მიღების შესახებ განცხადებას მედიასაშუალება ან თავად ჟურნალისტი წარუდგენს აპარატის საზოგადოებასთან ურთიერთობისა და ინფორმაციის დეპარტამენტის უფროსს ელექტრონული ფოსტის მისამართზე: media@parliament.ge.

3. სპეციალური აკრედიტაციის მიღების შესახებ განცხადებაში აღნიშნული უნდა იყოს ჟურნალისტის სახელი და გვარი, პირადი ნომერი და საქართველოს პარლამენტის სასახლეში შესვლის სასურველი თარიღი.

4. აპარატის საზოგადოებასთან ურთიერთობისა და ინფორმაციის დეპარტამენტი სპეციალური აკრედიტაციის გაცემის შესახებ გადაწყვეტილებას იღებს შესაბამისი განცხადების მიღებიდან არაუგვიანეს 1 სამუშაო დღისა.

მუხლი 11. აკრედიტებული მედიასაშუალების აკრედიტაციის ვადამდე გაუქმება

იმ მედიასაშუალების აკრედიტაცია, რომლის ჟურნალისტებსაც აქვთ საპარლამენტო ჟურნალისტის აკრედიტაცია, აპარატის უფროსის გადაწყვეტილებით ვადამდე გაუქმდება:

ა) აკრედიტებული მედიასაშუალების განცხადების საფუძველზე;

ბ) აკრედიტებული მედიასაშუალების საქმიანობის კანონით დადგენილი წესით შეჩერების ან შეწყვეტის შემთხვევაში;

გ) თუ დადგინდა, რომ აკრედიტებულმა მედიასაშუალებამ ამ წესის მე-4 მუხლით გათვალისწინებული დოკუმენტაცია/ინფორმაცია განზრახ არასწორად წარადგინა;

დ) თუ საქართველოს პარლამენტის მორიგი სესიის პერიოდში ზედიზედ 10 კვირის განმავლობაში პარლამენტის სასახლეში აკრედიტებული მედიასაშუალების არცერთი აკრედიტებული ჟურნალისტი არ იმყოფებოდა.

მუხლი 12. აკრედიტებული ჟურნალისტის აკრედიტაციის ვადამდე გაუქმება

1. აკრედიტებული ჟურნალისტის აკრედიტაცია აპარატის უფროსის გადაწყვეტილებით ვადამდე გაუქმდება, თუ:

ა) აკრედიტებული მედიასაშუალების აკრედიტაცია გაუქმდა;

ბ) ჟურნალისტის აკრედიტაციის გაუქმება აკრედიტებული მედიასაშუალების ხელმძღვანელმა მოითხოვა;

გ) ჟურნალისტს აკრედიტებულ მედიასაშუალებაში საქმიანობა შეწყვეტილი აქვს;

დ) ჟურნალისტმა სააკრედიტაციო მოწმობა სხვა პირს გადასცა.

2. ამ მუხლის პირველი პუნქტის „ბ“ ან „გ“ ქვეპუნქტით გათვალისწინებული პირობის დადგომისას აკრედიტებული მედიასაშუალება უფლებამოსილია მოითხოვოს ამ წესის მე-6 მუხლით განსაზღვრული კვოტების ფარგლებში სხვა საპარლამენტო ჟურნალისტის აკრედიტება. ამ მოთხოვნას განიხილავს და გადაწყვეტილებას იღებს აპარატის უფროსი.

მუხლი 13. აკრედიტებული ჟურნალისტისთვის აკრედიტაციის შეჩერება

1. თუ საპარლამენტო ჟურნალისტმა დაარღვია ამ წესის მე-14 ან მე-15 მუხლით დადგენილი წესები, მას აპარატის უფროსის გადაწყვეტილებით შეიძლება შეუჩერდეს აკრედიტაცია 1 თვით. დარღვევის განმეორების შემთხვევაში აკრედიტებულ ჟურნალისტს აკრედიტაცია შეუჩერდება 6 თვით.

2. სპეციალური აკრედიტაციის მქონე ჟურნალისტის მიერ ამ წესის მე-14 ან მე-15 მუხლით დადგენილი წესების დარღვევის შემთხვევაში აპარატის უფროსის გადაწყვეტილებით შეიძლება შეიზღუდოს მასზე აკრედიტაციის გაცემა 1 თვით, ხოლო დარღვევის განმეორების შემთხვევაში – 6 თვით.

3. აკრედიტაციის შეჩერების ვადის დენას არ აჩერებს გაცემული აკრედიტაციის ვადის გასვლა. შეჩერებული აკრედიტაციის მქონე მედიასაშუალების ჟურნალისტს ეზღუდება ახალი აკრედიტაციის მიღება აკრედიტაციის შეჩერების საერთო ვადის გასვლამდე.

4. დაუშვებელია, ჟურნალისტი, რომელსაც ამ მუხლის პირველი პუნქტით განსაზღვრულ პერიოდში აკრედიტაცია შეჩერებული აქვს, სხვა ჟურნალისტით ჩანაცვლდეს.

მუხლი 14. აკრედიტებული ჟურნალისტის საქართველოს პარლამენტის სასახლეში ყოფნის პერიოდი

1. აკრედიტებულ ჟურნალისტს უფლება აქვს, საქართველოს პარლამენტის სასახლეში იმყოფებოდეს სამუშაო დღის 9:00 სთ-დან 0:00 სთ-მდე ან შესაბამისი ღონისძიების დასრულებამდე, თუ ის 0:00 სთ-ის შემდეგ გრძელდება.

2. აკრედიტებული ჟურნალისტი უქმე დღეს საქართველოს პარლამენტის სასახლეში დაიშვება მხოლოდ იმ შემთხვევაში, თუ იმართება საქართველოს პარლამენტის რეგლამენტით გათვალისწინებული ღონისძიება (პარლამენტის რიგგარეშე სესია/რიგგარეშე სხდომა, ბიუროს სხდომა, კომიტეტის სხდომა და სხვა), ან იმართება სხვა ღონისძიება ან იწერება ინტერვიუ, რომელიც აპარატთან შეთანხმებულია.

3. ცალკეულ შემთხვევებში, საქართველოს პარლამენტში გასამართი ღონისძიების სპეციფიკურობიდან ან უსაფრთხოების რეჟიმიდან გამომდინარე, აპარატის უფროსის გადაწყვეტილებით შეიძლება შეიზღუდოს აკრედიტებულ ჟურნალისტთა პარლამენტის სასახლეში დაშვება, გადაადგილება ან მათი ტექნიკის გარკვეულ ადგილებში განლაგება.

მუხლი 15. აკრედიტებული ჟურნალისტის უფლებები და ვალდებულებები

1. აკრედიტებულ ჟურნალისტს უფლება აქვს:

ა) სააკრედიტაციო მოწმობის საფუძველზე შევიდეს საქართველოს პარლამენტის სასახლეში;

ბ) დაესწროს საქართველოს პარლამენტის რეგლამენტით გათვალისწინებულ სხდომებსა და სხვა ღონისძიებებს (მათ შორის, ბრიფინგს, პრესკონფერენციას, შეხვედრას), გარდა იმ შემთხვევისა, როდესაც შესაბამისი სხდომა ან სხვა ღონისძიება დახურულია;

გ) ამ მუხლის მე-2 პუნქტით განსაზღვრულ ფარგლებში აწარმოოს ვიდეო- და ფოტოგადაღება. საქართველოს პარლამენტის რეგლამენტით გათვალისწინებული სხდომის ვიდეო- და ფოტოგადაღება შეიძლება განხორციელდეს მხოლოდ სხდომის თავმჯდომარის თანხმობით, მის მიერ მედიასაშუალებათა წარმომადგენლებისთვის გამოყოფილი ადგილიდან.

2. აკრედიტებული ჟურნალისტი ვალდებულია:

ა) ხელი არ შეუშალოს საქართველოს პარლამენტში მიმდინარე ღონისძიების მსვლელობას;

ბ) საქართველოს პარლამენტის წევრის ან აპარატის თანამშრომლის წინასწარი ნებართვის გარეშე არ გადაიღოს მისი სამუშაო ოთახი;

გ) საქართველოს პარლამენტის წევრის, აპარატის თანამშრომლის ან პარლამენტში სტუმრად მყოფი პირის მიერ ინტერვიუს ჩაწერაზე უარის თქმის შემთხვევაში შეწყვიტოს ინტერვიუ;

დ) საქართველოს პარლამენტის წევრის, აპარატის თანამშრომლის ან პარლამენტში სტუმრად მყოფი პირის თანხმობის გარეშე არ გადაიღოს მისი დოკუმენტი, მისი ტელეფონის ან სხვა ელექტრონული მოწყობილობის ეკრანი ისე, რომ მასზე არსებული ინფორმაციის ან გამოსახულების აღქმა შესაძლებელი იყოს;

ე) არ დაუშვას მისი მხრიდან საქართველოს პარლამენტში მყოფი პირისადმი უხამსი, სექსისტური, დისკრიმინაციული მიმართვა ან მოქმედება;

ვ) დაემორჩილოს დაცვის თანამშრომლისა და აპარატის მანდატურის სამსახურის მანდატურის კანონიერ მითითებებს;

ზ) სააკრედიტაციო მოწმობა არ გადასცეს სხვა პირს;

თ) სააკრედიტაციო მოწმობა ატაროს გამოსაჩენ ადგილზე.

მუხლი 16. საპარლამენტო ჟურნალისტის აკრედიტაციის მიღების სპეციალური ვადები 2023 წლისთვის

1. 2023 წლისთვის საპარლამენტო ჟურნალისტის აკრედიტაციის მიღების თაობაზე განაცხადები მიიღება 2023 წლის 7 თებერვლიდან 20 თებერვლის ჩათვლით.

2. 2023 წლისთვის საპარლამენტო ჟურნალისტის აკრედიტაცია გაიცემა 2023 წლის 1 მარტიდან 31 დეკემბრის ჩათვლით.